

PY. conservam ! vix me contineo quin involem in 20
860 capillum, monstrum : etiam ultro derisum advenit.

TH. abñ hinc, insana ? *PY.* quid ita ? vero debeam,
credo, isti quicquam furcifero si id fecerim ;
praesertim quom se servom fateatur tuom.

TH. missa haec faciamu'. non te dignum, Chaerea, 25
865 fecisti ; nam si ego digna hac contumelia
sum maxume, at tũ ñdignu' qui faceres tamen.

neque edepol quid nunc consili capiam scio
de virgine istac : ita conturbasti mihi
rationes omnis, ut eam non possim suis 30

870 ita ut aequom fuerat atque ut studui tradere,
ut solidum parerem hoc mi beneficium, Chaerea.

CH. at nunc de(h)inc spero aeternam inter nos gratiam
fore, Thai'. saepe ex hui(u)smodi re quapiam et
malo principio magna familiaritas 35

875 conflatast. quid si hoc quispiam voluit deus ?

TH. equidem pol in eam partem accipioque et volo.

CH. immo ita quaeso. unum hoc scito, contumeliae
me non fecisse causa, sed amoris. *TH.* scio,
et pol propterea mage nunc ignosco tibi. 40

880 non adeo inhumano ingenio sum, Chaerea,
neque ita inperita ut quid amor valeat nesciam.

CH. te quoque iam, Thais, ita me di bene ament, amo.

PY. tum pol tibi ab ñstoc, era, cavendum intellego.

CH. non ausim. *PY.* nil tibi quicquam credo. *TH.* de- 45
sinas.